



Broj: S-02-02-1-496-1/26
Mostar, 10. 4. 2026.

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI DOM
n/p Ivan Miličević, Tajnik

Bosna i Hercegovina
Federacija Bosne i Hercegovine
PARLAMENT FEDERACIJE
ZASTUPNIČKI DOM

Primijena:	15-04-2026
Org. jedinica:	rijednic
05/1 - 02 - 191 / 26	

Predmet: Odgovor na zastupnička pitanja u vezi sa dostupnošću i distribucijom seruma protiv zmijskog otrova u Federaciji Bosne i Hercegovine

VEZA: Vaš akt broj: 05/1-02-191/26 od 8. 4. 2026. godine

Poštovani,

u vezi sa postavljenim zastupničkim pitanjima, dostavljamo sljedeće informacije:

1. Trenutno stanje zaliha i procjena dovoljnosti za sezonu proljeće/ljeto 2026. godine

U skladu sa Zakonom o zdravstvenoj zaštiti Federacije Bosne i Hercegovine, organizacija zdravstvene zaštite u Federaciji Bosne i Hercegovine je decentralizirana, te su zdravstvene ustanove, uz nadležna kantonalna tijela, odgovorne za osiguranje potrebnih lijekova i medicinskih sredstava za nesmetano pružanje zdravstvenih usluga.

Zavod za javno zdravstvo Federacije Bosne i Hercegovine planira i vrši centralnu distribuciju vakcina, **nadzire i evaluira provođenje obaveznih imunizacija**, koje podrazumijevaju imunizaciju djece 0-18 godina (protiv 10 zaraznih bolesti) na području Federacije Bosne i Hercegovine.

S tim u vezi, Zavod za javno zdravstvo Federacije Bosne i Hercegovine ne vrši centraliziranu nabavku niti skladištenje seruma protiv zmijskog otrova, već je nabavka i upravljanje zalihama u nadležnosti zdravstvenih ustanova.

Shodno navedenom, Zavod ne raspolaže objedinjenim podacima o ukupnim zalihama na nivou Federacije Bosne i Hercegovine, niti može dati preciznu procjenu njihove dovoljnosti za sve kantone u sezoni proljeće/ljeto 2026. godine. Međutim, dostupnost seruma u praksi zavisi od pravovremenog planiranja i nabavke na nivou zdravstvenih ustanova, kao i od dostupnosti lijeka na tržištu.

2. Mjere poduzete u uslovima globalnih i evropskih nestašica

U okviru svojih nadležnosti definisanih Zakonom o zdravstvenoj zaštiti Federacije Bosne i Hercegovine, Zavod za javno zdravstvo Federacije Bosne i Hercegovine kontinuirano poduzima aktivnosti s ciljem pravovremenog informisanja i podrške zdravstvenim ustanovama, i to:



- redovno informiše kantonalne zavode za javno zdravstvo i zdravstvene ustanove o dostupnosti seruma i mogućnostima nabavke (uključujući informacije o dobavljačima, proizvođačima i uslovima nabavke);
- upućuje zdravstvene ustanove na direktnu komunikaciju s ovlaštenim dobavljačima radi pravovremenog osiguranja potrebnih količina;
- prati situaciju na tržištu i razmjenjuje informacije sa relevantnim partnerima;

Posebno ističemo da se dostupnost ovog lijeka dodatno otežava usljed ograničenog broja proizvođača i povremenih poremećaja u snabdijevanju na međunarodnom tržištu.

Zavod u ovom segmentu ima koordinirajuću i savjetodavnu ulogu, dok su nabavka i finansiranje u nadležnosti zdravstvenih ustanova i nadležnih kantonalnih organa.

3. Pokrivenost i distribucija u kantonima sa povećanim rizikom

Zbog decentraliziranog sistema nabavke i distribucije, ne postoji jedinstvena centralna evidencija pokrivenosti serumom na nivou Federacije Bosne i Hercegovine.

4. Edukacija stanovništva i protokoli prve pomoći

Zakon o zdravstvenoj zaštiti Federacije Bosne i Hercegovine prepoznaje promociju zdravlja i edukaciju stanovništva kao važan segment javnozdravstvene djelatnosti.

U tom kontekstu, Zavod za javno zdravstvo Federacije Bosne i Hercegovine kontinuirano provodi aktivnosti informisanja javnosti kroz objave stručnog i edukativnog sadržaja, kao i kroz saradnju sa zdravstvenim ustanovama i medijima.

Iako ne postoji jedinstven formalno usvojen protokol na nivou Federacije Bosne i Hercegovine koji se odnosi isključivo na ovu oblast, postoji potreba za dodatnim unapređenjem i standardizacijom edukativnih aktivnosti.

U tom kontekstu, izrada takvog protokola zahtijevala bi uključivanje relevantnih stručnih udruženja i referentnih institucija, posebno iz oblasti infektologije i hitne medicine.

Zaključak

Dostupnost seruma protiv zmijskog otrova u Federaciji Bosne i Hercegovine prvenstveno zavisi od pravovremenog planiranja i nabavke od strane zdravstvenih ustanova, kao i od dostupnosti lijeka na međunarodnom tržištu.

Dodatni izazov u osiguravanju adekvatne terapije predstavlja činjenica da nisu svi dostupni antivenomi primjenjivi za područje Balkana, s obzirom na to da je njihova efikasnost uslovljena specifičnošću sastava zmijskog otrova i vrstama zmija prisutnim u određenim geografskim područjima. Stoga je neophodno osigurati nabavku seruma čija je djelotvornost potvrđena za vrste zmija otrovnica karakteristične za naše područje.

Zavod za javno zdravstvo Federacije Bosne i Hercegovine nastavlja sa aktivnostima informisanja, stručne podrške i koordinacije, s ciljem unapređenja dostupnosti seruma i zaštite zdravlja stanovništva.

S poštovanjem!



RAVNATELJ

Siniša Skočibušić

Doc. dr. sc. prim. Siniša Skočibušić, dr. med.

Dostaviti:

1. Naslovu
2. Federalnom ministarstvu zdravstva
n/r dr. Nediljko Rimac, ministar
3. Arhiva